

罪外若過失殺人又或通駝驟車馬放彈射箭失罰不如法  
非汝毆打威力至使同謀共毆人原謀餘人凡致死人命之時有  
所助力者不問罪之輕重俱作人命糾斷不在原免之例其  
連累致死如檢驗屍傷不實誣告死罪未決并私和人命  
等項罪名合無悉與宥免已發者改正未到官者住提見解問  
者釋放仍通行內外問刑衙門一體查照施行庶得事体歸  
恩典均沾矣具題奉

宣府等處并各沿海監守盜糧二十石草四百束銀十兩  
錢綿值銀十兩以上不分官吏人等俱充軍兩京各衙門漕  
運等處監守盜糧草銀兩錢綿加前一倍者亦充軍若盜  
沿邊海糧四百石草八千束銀二百兩錢綿二百兩以上者俱斬  
首示衆四等贓罪過革不宥

弘治七年七月初九日刑部山東清吏司爲陳言地方急務事奉  
本部送刑科抄出都察院等衙門右都御史等官等題據  
廣西道呈奉本院劄付准刑部咨山東清吏司案呈奉本部送  
准兵部咨兵科抄出巡按廣西監察御史祁司員奏廣西地  
方連遭兵寇軍民失業雖曰蠻夷雜處卒難化理要亦居官授  
任失當經理而不經理之故也自揣綿納微才濫蒙差巡歷是方  
義不精白乃心以永無負委任謹將三方應行事宜據實條陳上瀆  
睿覽儻有可取

俯賜采擇施行內一款開稱申舊例臣巡歷廣西柳州府地方行據本府  
申解犯人黃傳招係本州判官不合索取庫子蒙集銀一兩情款有  
集因先問發本州庫子蒙景羅陶蒙寧各盜官萬庫銀八百八十  
兩三分一釐八毫銅錢一萬二千文入已得贖蒙集於革役亦不合盜  
去官錢二萬九千四百六十九文時價銀三十三兩三錢有零費相無存  
事發將黃傳問擬求索不枉法贓罪革職為民蒙集問擬監守  
自盜滿貫斬罪欲照成化十二年十二月初九日該戶部題

准凡盜各邊鎮糧米五十石草一千束錢綿值銀二十五兩以上事例發邊充  
軍又查得成化二十年正月二十九日該刑部題

准今後侵盜倉糧二百石銀五十兩絹布一百疋綿花一百斤以上者照例  
充軍若不及前數仍照常例發落已將犯人蒙集止照例准徒五  
年追贓先日照徒年限擺站發落訖臣以制律初意言之銀每值  
鈔一貫監守自盜不分首從併贓論罪但至四十貫即斬枉法贓猶

分有祿無祿必至八十貫及二百二十貫方絞此監守罪本重於枉法也  
以行事例論鈔八十貫上值銀一兩官吏受財枉法贓銀一兩之上即坐  
充軍監守自盜此之五十兩之上方坐充軍此枉法罪重及於監守罪  
也人若玩法受財固當充軍至於侵盜官物可擬輕貨

舊制擬銀二十五兩以上充軍雖知贖輕人尚懼後有擬至增五十兩之上按  
之律鈔律多銀十兩比之今例增鈔十倍不無過於大從及啓為盜  
之多況中間擬草擬木等項價有貴賤不以律鈔科斷恐非設律  
本意又况擬綿花至一百斤以上以時估止不過直銀十兩亦坐充軍  
又誰指拾盜銀之重而甘認盜花之輕且各邊錢糧難集易散自此  
例一行之後如賓州盜者相繼數人至於其他府州縣倉庫與各省  
邊儲固而串同侵盜已發未發不知其幾未必不由此例以啟之如

蒙乞

勅該部衙門將前項監守自盜計贓充軍事例再行斟酌議處過中使



人遵守不敢輕犯等因開款具本該通政使司官奏奉

聖旨該衙門看了來說欵此欵遵合咨前去煩為查照徑自施行等因到部通送到司查係御史陳言寺理案呈到部合咨貴院煩為徑自議

奏施行等因備咨劄付到院查得成化十二年七月十一日刑部為地方事巡撫甘肅右副都御史朱英奏照得甘肅一十一倉設在陝西各衛所邊城之內訪得各倉官攢通年通同軍民部運納戶人等虛出盜賣重冒那移移理卷作教事發犯該監守自盜斬罪以下官攢各擬原籍為民雖合律例但各犯俱係侵盜邊儲數百石者若照常例為民姦貪得計欺弊日生乞將以後事發官攢侵盜盜賣邊糧一百石之上問該監守自盜斬罪者俱發鎮番鎮夷缺軍衛所充軍家小隨住不及百石者常例發落等因該本部會議得今後若有偽造印信假捏文書攬納誑騙把持官用打覷倉場通同官攢斗庫人等侵欺盜賣邊境錢糧犯該監守常人盜滿貫斬絞罪者監通完日不分軍民官吏合餘人等俱連當房家小發邊遠充軍右軍人原係腹重調發邊衛原係邊衛發極邊衛分常川守哨文武職官議擬監候奏

請處決犯該徒罪以下常例發落等因具題奉

憲宗皇帝聖旨准擬欵此欵遵第一次奏行事例又查得成化十二年十一月初九日戶部為禁革邊儲姦弊事該巡撫甘肅右副都御史朱有文咨稱甘肅等一十一倉侵盜糧銀官攢斗級人等蘇智等犯該監守自盜斬罪過蒙成化十一年三月初八日

赦宥本部看得蘇智等情犯深重具題節該奉

憲宗皇帝聖旨這厮每侵盜錢糧多都不能着上緊追徵欵此欵遵本部為照邊境錢糧非甘肅為然其遼東宣府大同榆林寧夏四川建昌松潘廣西貴州等處倉場俱係軍馬支用之數糧不可一日缺

之其官攢斗庫人等往往縱意侵盜事發雖聞充軍遇蒙

恩例又多減等釋放以此法縱人頑奸弊日滋若不定為通例永為遵守人  
愈輕犯致誤邊事欲行都察院會同刑部大理寺計議斟酌今後  
有犯侵欺各邊糧草等項盜糧五十石草一千束錢綿值銀二十五兩  
下者俱照常例發落但糧至五十石草一千束錢綿值銀二十五兩以上  
者監追完日照依刑部近日奏

准充軍事例施行其糧過二百石草四千束錢綿值銀百兩以上不分文武

職官吏與斗庫部運人等悉照今奉

欽依處置蘇智等事理雖經

大赦贖罪俱不宥免照舊監追具題節該奉

憲宗皇帝聖旨是正犯逃故於同慶至親家屬追倍欽此欽遵移咨都察

院會同到部大理寺尚書等官重 等議得刑部奏

准前項充軍事例足以懲其奸惡難再便改其犯在革前者雖有減等釋

放之例係一時

恩典難以預先定為通例合無今後斗庫遼東宣府大同榆林

寧夏四川建昌於潘廣西貴州等處各邊各倉場官

攢斗庫人等有犯該監守自盜常人盜滿貫斬絞罪者

仍照見行事例發落其犯在革前官攢斗庫人等 完

日照依欽奉

詔書內事理職官例不該宥者照例發追充軍吏并原籍

為民斗庫人等依律釋放以後若事已發覺覺問罪

監追及事未發覺覺遇蒙

恩例者臨酌量情犯輕重具

奏定奪等寺因具題奉

憲宗皇帝聖旨是欽此欽遵此第二次奏行事例又查得

成化十三年七月二十日刑部為處置邊儲事該



戶部右給事中彭序奏稱廣東廣西二布政司及廣州肇慶桂林三府雖腹裏地方曾經調軍馬支給糧餉但有侵欺人犯致將滿貫新綾罪者照依邊糧事例充軍該恐失之大過欲照常發落又恐失之不及本部會同得以前項地方錢糧比之極速邊境雖有不問此之尋常腹裏亦為緊要合無依行廣及廣州肇慶桂林等三府并通行各處巡撫巡案與內外關刑衙門今後所屬府州縣衛所不拘沿邊腹裏但係曾經調集軍馬駐劄緊要處遇有軍民吏役舍餘人等侵欺盜賣及取倉庫糧料百石銀五十兩絹布一百疋綿花一百斤以上者俱照依邊糧事例問發充軍文武職官有犯議擬監候奏

請處置者旨不以前數及犯該徒流以下者仍照常例發落等因具題奉

憲宗皇帝聖旨是欽此欽遵此第三次奏行事例又查得成

化二十三年三月初十日都察院為處置邊儲事該巡按

山西監御史張冕奏稱查得平虜等庫塲糧草侵欺

虛出數多乞將犯人曹威等處極典本院會議各邊糧草

係

朝廷緊用備邊之數今既侵盜數多處極典但以立法防範固不可

不嚴比之律例不無太重合無將曹威等本處枷號三月

照依先年題

准事例監追完日各發充軍雖照

大赦贖罪俱不宥免照舊監追若正犯內有逃故等項仍於至屬各

下追倍以後但有侵欺虛出用強挾詐各邊糧草者亦照前

例而行不及數者仍照常例發落等因具題奉

憲宗皇帝聖旨是曹威等監追完日枷號充軍欽此欽遵此第

四次奏行事例又查得弘治元年八月十九日都察院為陳言預修武備以保治道事該河南道監察御史汪律奏稱糧儲有官專理倉廩未見充盈近該刑部府知情沃額奏稱本府倉糧虧折二十餘萬

欽蒙差官查盤是其餘矣荊州一府如此其他倉糧不言可知其餘腹裏地面悉照邊方事例差官查盤但有虧折不堪照例追問發落本部為十三布政司南北直隸地方廣闊一處差給事中御史各官一員不無用人數多合無本部就行各該巡撫巡按等官督委都布按三司分巡分守管屯管糧等官三年一次查盤自弘治二年為始分投前去各屬府衛州縣將一應收貯在倉糧米逐一查盤要見在若干虧折若干泥爛若干侵盜若干將應問人犯追問如律悉照邊方事例發落干碍軍職及五品以上官徑

自參提問罪等因具題奉

聖旨是欽此欽遵此第五次奏事例又查得弘治三年二月二十三日都察院都御史

欽恤事該貴州道問得犯人陳進賢犯該監守自盜倉庫錢糧四十貫律斬照例送兵部定衛充軍其本發大理寺審擬合律該本寺官奏節該奉

聖旨遙境錢糧民間上納艱難以這等盜賣了若遇緊急軍情豈不誤事各犯情重的難照常例發落陳進賢盜糧千石以上草萬束以上便斬首梟令家屬照例監追定事情都察院還出榜於各邊曉諭欽此欽遵續該本院覆奏節該奉

聖旨今後各邊有盜糧四百石草八束錢綿值銀二百兩以上的不分文武職官吏典斗庫人等都照陳進賢例斬首示衆不宥



前數但該充軍的子孫永遠充軍其監追及過

赦不宥等項各照原行事例欽此欽遵第六次奏行事例又查

得弘治六年九月初七日廣東道為官銀被盜事問得

犯人王子玉該監臨主守自盜庫錢者四十貫律斬照例

准徒伍年查得刑部四川清吏司問得犯人王鉞犯該官

物當應給付與人己出倉庫布未給付但有人守掌官

若有侵欺者計贓以監守自盜論斬罪比照本部山東

清吏司問擬犯人呂清常人盜倉庫錢綿絞斬罪奏

請加號充軍事例奏奉

聖旨王鉞該吏偷盜官庫銀兩數多照例用一百觔枷號在

本衙門前一箇月滿日押發口外龍門衛充軍家小隨住

欽此欽遵今據王子玉所犯比與王鉞係情罪相同應合

比照前例發落今後兩京衙門但有吏典庫子皂隸人等

偷盜本衙門官庫銀兩者徒流以下仍照常例施行

犯該斬絞罪者俱照王鉞事例發落等因具本發審

該大理寺官奏奉

聖旨是王子玉照例用一百觔枷號在本衙門首一箇月滿日押發

遼東三萬衛充軍家小隨住欽此欽遵此第七次奏

行事例又查得各邊并腹裏官經調集軍馬去處

錢糧每年差給事中御史查盤又查得先該刑部衙門奏

年行委分巡分守等官查盤又查得先該刑部衙門奏

請定奪今奏前事亦係應該考正事例具呈到院臣等會

同刑部等衙門尚書等官白等看得巡按廣西監察

御史祁司員委守盜滿貫斬罪重於法法滿貫絞

罪事例官吏受財枉法滿貫絞罪事例官吏受財枉法

半貫止值銀兩即坐充軍監守盜却擬銀五十兩之上

坐充軍不無太縱乞要再行斟酌議處節臣等參詳得前項事例第一次奏行者專為監守邊備盜四十貫常人八十貫皆為滿貫俱發充軍守哨等項監守常人自有輕重第二次奏行者因看前例不曾更改但過

赦宥該宥不敢宥之第三次奏行者議者以兩廣腹裏曾經調集軍馬去處錢糧比之極遠邊境雖有不同較之尋常腹裏亦為緊要已有二等之別及定立事却又不分沿邊腹裏不分監守常人一槩定擬搜括百石銀五十兩絹布百尺綿花百觔以上者俱發充軍誠欠欠當第四次奉行者彼時未有情重斬首之例於充軍之外又加號三箇月第五次奏行者腹裏不係調集軍馬去處亦行交巡守等官查盤

第六次奏行者仍

欽定各邊情重人犯斬首示衆第七次奏行者止為兩京衙門盜銀兩者而設該載欠條今御史祁司員所奏行事失於太縱故有此言不為無見但中間以枉法與監守盜立說其意惡照枉法事例一體充軍臣等竊盜枉法充軍者等為又職官吏枉法必顛倒是非良善受害故不分遠近一槩坐罪盜糧充軍者無又武職官并軍人氏等錢糧轉輸有難有易故不可無輕重之分若一槩依枉法充軍人難遵守其餘事例亦更變不槩輕重失倫必境腹裏監守常人各有分別庶為求當合無今後宣府大同甘肅寧夏榆林遼東四川建昌松潘廣西貴州并各處沿海若有監守盜糧二十石草四百束銀一十兩錢帛等物值銀一兩以上常人盜



者倍之俱不分官吏軍民舍餘人等連當房家小發邊  
衛永遠充軍原係邊衛者調極邊原係極邊者常川守  
哨又武職官有犯議擬監候奏

請發落兩京各衙漕運及京通臨淮徐德六倉并腹裏節差  
給事中御史查盤去處若係監守盜糧石草八百  
束銀二十兩錢帛等物值銀二十兩以上常人盜者  
倍之亦照前充軍等項事例事行其餘腹裏節差  
巡守等官查盤去處若係監守盜糧八十石草一千束  
銀兩兩錢帛等物值銀四十兩以上常人盜者倍之  
亦照前充軍等項事例施行若有盜沿海沿邊糧  
遇有四百石草八十束銀二百兩錢帛等項值銀  
二百兩以上不分監守常人俱照  
欽定奪事例斬首示衆其四等人犯雖遇

大赦贖罪俱不原宥不及今定各等之數者俱照常例發  
落若有逃故者於同讐家屬名下連倍不許濫及  
各居親屬都察院仍行內外問刑衙門永遠遵守  
及添入榜例照示中外其餘舊例一切革去如此則  
法令適中奸頑知警矣緣係事例及奉

欽依該衙門看了來說事理具題奉  
聖旨是欽此欽遵